

Agora,
tócache a ti!

PUNTO VIOLETA DO CONCELLO DE OLEIROS

Falamos de...

CON-
SENTI-
MEN-
TO?



Concello de Oleiros

Falamos de... **CONSENTIMENTO?**

Que é?

O acordo **VERBAL** ou **NON VERBAL** para participar nunha **práctica sexual**. Proven da palabra «**consenso**», que significa **acordo mutuo**.

Vamos, **a única forma de saber realmente se todas as persoas involucradas nun acto sexual participan porque queren**, ata onde queren chegar e como queren participar.

Por isto mesmo, **aprender a comunicar como queremos relacionarnos sexualmente é necesario para construír dinámicas que garantan os nosos dereitos sexuais...**

E OS NÓS DESEXOS TAMÉN!

Pero... ollo!

TER PRÁCTICAS SEXUAIS con outras persoas e acceso aos seus corpos **NON É UN DEREITO, É UN DESEXO**.

O obxectivo das relacións sexuais é que todas as persoas involucradas o disfruten. **E SE A OUTRA PERSOA NON QUERE... NON É SEXO, É AGRESIÓN.**
E punto.

Así que hai algo que temos que gravar a lume...

CEDER NON É CONSENTIR

Ceder pasa por unha actitude pasiva na que poden estar involucradas moitas cousas menos as ganas e o desexo.

Pola contra, **consentir** pasa por desexar, querer facelo, ter unha actitude activa ou entusiasta.

Entendes a diferencia?

E a quen implica o consentimento?

Pois... **a todo o mundo!** A todas as persoas e tipos de relacións.

Dá igual se é un encontro esporádico ou continuado, ligues, rollos, persoas que se están a coñecer, parellas novas ou consolidadas, relacións monógamas ou non.

E, por suposto, **implica a todo tipo de prácticas sexuais, haxa ou non haxa penetración.**